



ATASSUT INATSIARTUNI

ATASSUT

UKA 2013/124-1

Gerhardt Petersen

09.10.13

Imartani Kalaallit Nunaata aalisarnikkut oqartussaaffigisaani raajarniarneq pillugu Namminersornerullutik Oqartussat nalunaarutaata nr. 23, 29. august 2002-imeersup allanngortinneqarnissaanut Naalakkersuisut peqquneqarnissaannik Inatsisartut aalajangiiffigissaattut siunnersuut, taamaalilluni kilisaatit umiarsuarminamminneq tunisassiorsinnaasut, basisliniemiit 3 sØmiilit iluanni aalisarsinnaatitaannginnissaat atuutitertinneqartussanngorlugu.

(Inatsisartunut ilaasortaq Siverth K. Heilmann Atassut)

Soorunami ATASSUT-mit ataqquvarput aalisarnermik inuussutissarsiuteqartut paaseqatigalugit nalunaarut matumani allanngortikkumallugu ATASSUT sinnerlugu Inatsisartuni ilaasortap Siverth K. Heilmann-ip siunnersuutaa nalilersoratsigu.

Taamaattorli ukiut qulit kingulliit sinnerlugit misilittagaalersut tunggavigalugit aammalu aalisariutit 3 sØmilip iluani taamaallaat periarfissaqartut ullumikkumit annertunerusumik illersorneqarnissaannik minnerunngitsumillu immap naqqata qalorsuarsortoqarneratigut innarlerneqarnerata minnerpaatinneqarnissaannik qulakkeerinninniarniq pisariaqartoq ATASSUT-mit naliliivugut.

Eqqaamaneqartariaqarpoq sinerissamut qanittumi, tassa basisliniap iluani aalisartut nunami suliffissuit aalisakkanik raajanillu pilersuinerikkut suliffissuit ingerlanissaannut aalajangiisuulluinnartarmata, suliffissuillu aalaakkaasumik pilersorneqarnerisigut suliffissat aamma aalaakkaanerusarput, taamaammatt nunami suliffissaqartitsinermut qulakkeerinnittuunerat illersorniarlugu taakkununga atugassarititaasut pitsaasuusariaqarput.



ATASSUT INATSIARTUNI

Kilisaassuilli kilisaatillu annerumaat qalorsuarsortut 3 sòmilit iluanni aalisarsinnaatitaassappata tattoqisaattoqaannassanngilaq, aammali qaleraleeqqat aalisagaaqqallu allat aalisakkanit nerisarineqarnermik saniatigut qalorsuarsorluni aalisartoqarneratigut akornusersorneqartut ATASSUT-mit qularutiginnilarput.

Naalackersuisut akissumminni Pinngortitaleriffimmut pissutsinik paasiniaasimallutik oqarput, tamanna ajunngilaq.

ATASSUT-milli pingaartilluinnarparput ilisimatuut aalisarnermillu inuussutissarsiuteqartut suleqatigiillutik ilisimasanik tutsuiginartunik naalackersuinikkut suliaqartunut sakkussanik tunniusseqatigiittarnissaat, matumanilu tamanna pisimanngimmat ATASSUT-mit maluginiarparput, isumaqarluinnarpugullu siunnersuut manna aqqutigalugu suliap taassuma pingaaruteqarluinnartup ullumikkumut siunissamullu naapertuuttumik aaqqiivigineqarnissaa siunertaralugu Naalackersuisut suleqataarusussuseqartariaqartut.

Aalisarnerup ataqatigiissarneqarnerata pitsaassusaa aalisarnermik inuussutissarsiuteqarnerup ineriartorluarsinnaaneranut aalajangiisuulluinnarpoq, taamaammatt ATASSUT sinnerlugu siunnersuummik saqqummiussisup matumani ujartugai aammalu allannguutigitinneqartussatut tikkuartugai sutigut naammassineqarsinnaanersut maannangaaq nalilersorneqartariaqartut ATASSUT-mit isumaqarpugut.

Ilimagisat tunngavigalugit sulinaveersaartussaavugut, paarlattuanilli ilisimasat tunngavigalugit allanngortinneqartariaqartut pilertortumik sunaassusersineqarsinnaapput, taamaattumik ATASSUT-mit siunnersuummut Naalackersuisut tunuarsimaarnerat paasisinnaanngilarput isumaqatiginagulu!

Siunnersuut tunngavilersorluagaasoq aammalu ajornartorsiutaasunik millisaanissamik siunertaqartoq ATASSUT-mit soorunami tamakkiisumik tapersensorparput, saqqummiussisuttalu ajornartorsiutaasut sukumiisumik nassuiareermagit taamatut oqaaseqaateqarluta ATASSUT-mit inassutigissavarput siunnersuut aappassaaneerneqartinnagu Inatsisartut Aalisarnermut, Piniarnermut Nunalerinermullu Ataatsimiititaliaanut suliaannngortinneqassasoq inassutigissavarput.